

---

## ՀՈՐԻ ԳՐքԻ ԻՍԻԶԻՈՍ ԵՐՈՒՍԱՂԵՄՎՅՈՒ ԵՎ ԳՐԻԳՈՐ ՏԱԹԵՎՎՅՈՒ ՄԵԿՆՈՒԹՅՈՒՆՆԵՐԻ ԱՐԵՐՄՆԵՐԸ

### ԷԼՅԱ ՍԱՐԻԲԵԿՅԱՆ

Սուրբ Գրիգոր Տաթևացին ապրել և ստեղծագործել է այնպիսի մի ժամանակաշրջանում, երբ վտանգված էր ոչ միայն հայության կեցությունը, այլ նաև հավատի պահպանումը, որի համար հայոց վարդապետները, «տիւ և գիշեր մաքառելով ընդդեմ քրիստոնատեաց աղթարմայիցն»<sup>1</sup>, ուսուցանում էին իրենց աշակերտներին և եկեղեցին զերծ պահում թշնամիներից: Տաթևացին գլածոր-տաթևյան համալսարանների լավագույն ավանդների կրողն ու շարունակողն է, ամբողջացնողն ու լրացնողն է իր նախորդներից՝ Մխիթար Գոշից, Վանական Վարդապետից, Ներսես Մշեցուց, Եսայի Նչեցուց, Յովիան Որոտնեցուց փոխանցված ավանդների: Յայ միջնադարի փիլիսոփայական և աստվածաբանական մտքի այլուներից է Տաթևացին: Նա գիտական մտքի խոշոր համակարգողն է, որի հոգևոր ժառանգությունը մեծ հետք է թողել հայ աստվածաբանական և փիլիսոփայական մտքի պատմության մեջ: Մեզ է ավանդել հսկայաժամավալ մատենագրական ժառանգություն՝ քարոզմեր, լուծմունքներ, մեկնություններ, դավանաբանական, իմաստասիրական աշխատություններ: Մրանց մեջ ուրույն տեղ են գրավլում սուրբգորային մեկնությունները, որոնք կարուտ են մանրակրկիտ ուսումնասիրության: Այստեղ մենք կանդրադառնանք Գրիգոր Տաթևացու՝ աստվածաշնչյան Յորի գրքի լուծմունքներին, որն ունի «Նորին Գրիգորի աշակերտի Եռամեծի Յովիաննու Որոտնեցւոյ լուծմունք դժուարիմաց բանից ի մեկնութիւն գրոցն Յորայ եւ ի բանս մեկնչաց» խորագիրը:

Աստվածաշնչի Յորի գիրքը գրված է բանաստեղծական պատկերավորությամբ, հարուստ բառապաշարով, դարձվածքներն ու սուր հարցադրումները ամենասովորական նանրութն անգամ շոշափելի ու զգալի են դարձնում: Մարդկային սրտի ամենախորունկ խորհուրդները և ամենավեհ զգացումներն արտահայտելու միջոցներից մեկն է բանաստեղծությունը, որի տարրերն Աստվածաշնչում շատ են: Յորի գիրքը երրայական բանաստեղծության լավագույն նմուշներից է, որին հանդիպում ենք ոչ միայն Սաղմոսաց, Առակաց գրքերում, այլև երգ երգոցում, Երեմիայի Ողբում և մարգարեական գրքերում: Երրայական բանաստեղծական ոճին բնորոշ է գրական զուգընթացությունը (parallelism): Բանաստեղծն իր ուժգին հույզերն արտահայտելու համար գործածում է չափազանցություններ: Յորի գրքի հեղինակի բանաստեղծական հմտությունները նպաստում են բացահայտելու գլխավոր հերոսի՝ Յորի խորը և ուժգին զգացումներն ու ապ-

<sup>1</sup> Թովմա Մեծոբեցի, Պատմութիւն Լանկ-Թամուրայ և յաջորդաց իւրոց, Փարիզ, 1860, էջ 15:

ոռւմները: Աստվածաշնչի Հորի գիրքը բաղկացած է հինգ մասերից<sup>2</sup>:

Հորք քրիստոնեական Եկեղեցու ավանդության մեջ հանդես է գալիս որպես Հիսուս Քրիստոսի նախատիպար: Եվ պատահական չէ այն խոսուն փաստը, որ Հայ առաքելական սուրբ Եկեղեցին Մեծ պահքի շրջանում բոլոր ուրբար օրերի ճաշու ընթերցվածքները Հորի գրքից է Վերցրել՝ որպես Քրիստոսի չարչարանքների նախատիպ, իսկ Զատկի ճրագալուցից ընթերցվածքը՝ որպես Քրիստոսի Հարության նախակարապետ<sup>3</sup>:

Հորն ապրել է Ուզ (Երբեմն հանդիպում ենք նաև Հուս, Օսիդ) անվանումով մի Երկրում, որն առկա է միայն Ծննդոց գրքում, այն էլ որպես անձնանուն. «Եւ որդիք Արամայ. Հուս, եւ Ենուշ, եւ Գաղեր, եւ Մոսոք»<sup>4</sup>: Ենթադրվում է, որ այս քաղաքը կամ Երկիրը (այսպես հաճախ անվանվում էին աստվածաշնչյան քաղաքները) տեղակայված է Եղել Միջագետքում: Հայ միջնադարյան հեղինակներից Ստեփանոս Սյունեցու (Ը դար) Հորի գրքի մեկնության պատճառ-ի հատվածներից մեկում գտնում ենք. «Բայց զգերեզմանն Յոթայ այժմ յԱրարիա ցուցանեն, եւ զտեղին, յորում նստէր ի հարուածն»<sup>5</sup>: Ըստ Տաթևացու՝ «Եւ է ի մէջ Արաքիոյ և Եղոմայ, զոր այժմ կոչի Թիլգուրան, ուր զերեզման նորա է»<sup>6</sup>, իսկ Հորի լուծնունքում բացատրում է. «Յոր անուն չորս ինչ նշանակէ՝ նախ՝ հայր լսի, Երկրորդ՝ համբերող, Երրորդ՝ վիհ, չորրորդ՝ խորհուրդ, զի յինքեան ուներ զխորհուրդ Աղամայ և զՔրիստոսին»<sup>7</sup>: Իսկ ըստ «Բառարան Սուլը Գրոց»-ի՝ «Էր յարևելս Եղովմայ, հաւանականապէս ոչ հեռի ի Պասրայէ»<sup>8</sup>: Ինչպես տեսնում ենք, հստակ է մի բան, որ Վերոնշյալ քաղաքը (Երկիրը) գտնվում է Միջագետքում, և չի բացառվում տեղացի ժողովրդի բանավոր ստեղծագործությունների ազդեցությունը գրքի շարադրման վրա:

Մեզ է հասել Գրիգոր Տաթևացու՝ Հորի գրքի լուծնունքի ինքնագիր օրինակը, որը պահպում է Մաշտոցի անվան Մատենադարանում (ձեռ. 1115): Այն բաղկացած է ցանկից, բուն նյութից, առաջաբանից և հիշատակարանից: Ինչպես հիշատակարանում է նշվում, լուծնունքը գրվել է Մեծոփավանքում հաստատված դպրոցի ուսանողության համար՝ քարոզիչության և ճառելու նպատակով: Այն հստակ բաժանված է մասերի, որպեսզի նրանց հասու լինի և դյուրընքնելի: «...ընծայեցի ի պատի սուրբ տեղույս ուսումնասէր անձանց ուղղադաւան մտաց, և ի գլուխս բաժանելով վասն մտաւոր տեսութեան և ի զարդ ուսման ի պէսս բեմբասացութեան և ի խրատս զրուցատրութեան»<sup>9</sup>: Հեղինակի թե՝ «Հարցմանց»-ի, թե՝ «Ուսեփիորիկ»-ի ինքնագիր հիշատակարաններում նշվում է գրվածքը մասերի բաժանելու մասին,

<sup>2</sup> Ավելի մանրամասն տես Գր. Դարբինյան, Ներածություն Հին Կտակարանի, Ար. Եջմիածին, 2000, էջ 244:

<sup>3</sup> Տես «Եաչոց, գիրք Հայաստանեայց Եկեղեցւոյ», Երրորդ տպ., նմանատպութիւն 1872 թ. Բ տպագրութիւնից, ի Վաղարշապատայ, ՈւևսԸ-1999, էջ 255-256:

<sup>4</sup> Ծննդ. ժ 23, նաև Ա Մնաց. Ա 17:

<sup>5</sup> Մաշտոցի անվ. Մատենադարան (այսուհետ՝ ՍՍ), ձեռ. 1981, թ. 208ա, նաև ՍՍ, ձեռ. 1879, թ. 75ա:

<sup>6</sup> Գրիգոր Տաթևացի, Գիրք Հարցմանց, Երուսաղէմ, 1993, էջ 327:

<sup>7</sup> ՍՍ, ձեռ. 1115, թ. 8թ:

<sup>8</sup> «Բառարան Սուլը Գրոց հանդերձ պատկերօք, աշխարհացուցօք և տախտակօք», Կոստանդնուպոլիս, 1881, էջ 382:

<sup>9</sup> ՍՍ, ձեռ. 1115, թ. 123 թ:

ինչից կարող ենք հստակ հետևություն անել, որ Տարեացու առաջնային խնդիրներից է եղել իր գործերը հասու դարձնել ունկնդրին և հետագա ընթերցողին, որպեսզի նրանք հայ Եկեղեցու դավանանքի ժիրից դուրս չմնան: Եվ կարծում ենք՝ պատահական չեր, որ լենքեմության արշավանքների, բռնությունների, նաև «աղթարների» ոտնձգությունների ժամանակ նա նախ ուսուցանեց Յոթի համբերության և քաջասրտության, Աստծուն չլքելու, չարին չհետևելու, Եկեղեցին ուղղադավան պահելու և սերունդներին փոխանցելու մասին: Այս հաճրագիտարանային մտածելակերպ ունեցող գործիչը, ապրելով ԺԴ-Ժ դարերում, չեր կարող տեղյակ չլինել իրենից առաջ եղած Յոթի գրքի թե՛ Յայ Եկեղեցու և թե՛ Ընդհանրական Եկեղեցու հայրերի մեկնություններին:

Իսիքիոս<sup>10</sup> Երուսաղեմացու կենսագրության մասին մեզ շատ քիչ բան է հայտնի. ապրել և գործել է 5-րդ դարում, աշակերտել ս. Գրիգոր Աստվածաբանին<sup>11</sup>: Իսիքիոս Երուսաղեմացու Յոթի գրքի մեկնությունը<sup>12</sup> մեզ է հասել միայն հայերեն թարգմանությամբ՝ պահպանված Վանական Վարդապետի նույնանուն մեկնության մեջ, որով և ծանոթանում ենք Իսիքիոսի երկին: Յոթի գրքի Իսիքիոսի մեկնության թարգմանությունը հայտնի է եղել հայ միջավայրում և լայն կիրառություն ունեցել հետագա դարերի մեկնիչների կողմից՝ Ստեփանոս Սյունեցու, Ղավիթ Քոբայրեցու, Վանական Վարդապետի: Վերջինիս մեկնությունը լայնածավալ, քաղվածո մեկնություն է<sup>13</sup>, բացի Իսիքիոսից՝ օգտվել է նաև այլ հեղինակներից՝ Եփրեմ Ասորի, Ստեփանոս Սյունեցի<sup>14</sup>, Ղավիթ Քոբայրեցի<sup>15</sup>:

Աստվածաշնչի գրքերի մեկնությունների խրթնաբանությունները հասկանալի դարձնելու համար հայ մատենագրության մեջ ԺԱ-ԺԳ դարերում ստեղծվում են դրանց «պատճառ»-ները: «Պատճառ»-ը մեկնողական գրականության ժանր է՝ նախակրթություն, նախամուտք, որում վերլուծվում և պարզաբանվում է տվյալ աստվածաբանական կամ փիլիսոփայական երկի ստեղծման ժամանակը, շարժառիթը, հեղինակային պատկանելությունը: «Պատճառ»-ները մի տեսակ ներածական նախամուտք են և

<sup>10</sup> Ընդհանրական Եկեղեցու հայրերից, ճգնել է Պաղեստինի անապատներից մեկում, սերտել Ս. Գիրքը, Երուսաղեմի արքեպիսկոպոսի կողմից 412 թ. Երեց է կարգվել: Ըստ Կյուրեղ Սլյութապոլսեցու վկայության՝ 428-429 թթ. մասնակցել է Երուսաղեմի Ս. Եփրեմոսի տաճարի օծնանը: Մահկանացուն կնքել է 450 թ.-ից հետո:

<sup>11</sup> Նրա մատենագրական վաստակի և կենսագրական մանրամասների մասին տես Charles Renoux-ի կազմած Իսիքիոսի Յոթի մեկնության քննական քննագիրը, РО, т. 42, 1983, էջ 11-59, նաև՝ Յ. Ք. Չրաբեան, Իսիքիոս Երեց Երուսաղեմացի, «Բազմավեա», 1909, մայիս, թ. 5, էջ 193-200, նաև՝ Յ. Քյոսեյան, Եկեղեցու հայրեր, վարդապետներ (IV-VIII դդ.), Եր., 2007, էջ 190-192:

<sup>12</sup> Տես՝ Յ. Ք. Չրաբեան, Իսիքիոսի Յովբայ մեկնութեան գրական արժեքը, «Բազմավեա», 1912, թիւ 7-8-9, էջ 399-408:

<sup>13</sup> Տես՝ Յ. Ոսկեան, Յովիաննես Վանական և իր դպրոցը, Վիեննա, 1922, էջ 26-27:

<sup>14</sup> Այս մասին առավել մանրամասն տես՝ «Թանգարան հայկական հին եւ նոր դպրութեանց», Ե., Իսիքիոսի Երիցու Երուսաղեմացու Սեկնութիւն Յորայ, Վենետիկ, 1913, Յ. Ք. Չրաբեանի գրած Ներածութիւն, էջ ԽԱ-ԽԲ (այսուհետ՝ Յ. Ք. Չրաբեան, Ներածութիւն և էջ):

<sup>15</sup> Տես նույն տեղը, էջ ԼԸ-իս: Նաև որոշակի ակնարկ տես՝ Յ. Ներսէս վ. Ակինեան, Մատենագրական հետազոտութիւններ, քննութիւն եւ բնագիր, Խո. Ա, Վիեննա, 1922, էջ 80-81, նաև՝ Յ. Ն. Ակինեան, Ղավիթ Վարդապետ Քոբայրեցի, «Դանդէս ամսօրեայ», 1908, թիւ 4, 5, էջ 141:

դրվում են մեկնություններից առաջ<sup>16</sup>: Մեզ հասած Գրիգոր Աբասյանի կազմած «Գիրք Պատճառաց» պայմանական խորագիրը կրող երկում իշարս այլ «պատճառ»-ների, կա նաև Հորի գրի Իսիդրոսի մեկնության «պատճառ»-ը<sup>17</sup>: Սովորաբար Աստվածաշնչի գրքերը, այդ թվում Հոբինը, ըստ «Պատճառաց գրոց»-ի, պատկանում են «լայն» շարքին<sup>18</sup> և ընդմիջարկվում են «նուրբ գրեանք»-ով, որոնք մի տեսակ կապող օղակ են Հին և Նոր Կտակարանների գրքերի միջև: Յ. Ներսես Ակիմյանը «Գրիգոր որդի Աբասայ՝ հեղինակ Պատճառաց գրոց» հոդվածում անդրադառնում է Վիեննայի Միջիբարյան մատենադարանի թիվ 47 ձեռագրում առկա «պատճառ»-ներին<sup>19</sup>, որը ՍՍ 1879 հնագույն ձեռագրի կրկնօրինակն է:

Իսիդրոսի երկի մեկնության մեթոդն առավել բնորոշ է ալեքսանդրյան դպրոցի մեկնաբանության եղանակին, քանզի ակներև է նրա մեկնության այլաբանական ոճը, երբեմն նաև բառերի այլաբանական ընթանումն ու մեկնումը, որի պատճառը Աստվածաշնչի Հորի գրքի առանձնահատկությունն է, քանի որ շատ հատվածներ պետք է հասկանալ այլաբանորեն: Այս ամենով հանդերձ՝ Իսիդրոսն իր մեկնության մեջ զանց չի առնուն նաև բառական-բացատրական մեթոդը, որն ավելի բնորոշ էր անտիոքյան դպրոցին<sup>20</sup>: Նույնը կարող ենք վերագրել նաև Տաթևացուն, որովհետև իր լուծմունքում օգտագործելով այլաբանական մեթոդը՝ նա կիրառել է նաև տառացի-բառացի բացատրական մեթոդը: Եվ ինչպես Յայ Եկեղեցու որոշ մատենագիրներ, այնպես էլ Տաթևացին, երբեմն կազմել է «շղթա»՝ մեկնությունների շարք, որոնցում տարրեր մեկնիշների նորերն ու շարադրանքները յուրովի է մեկնել, նոր ինաստներ ավելացրել: Տաթևացին բավականին խտացված, համառոտ ձևով է իր խոսքն արտահայտում երկում, որը երբեմն բնորոշ է ինչ-որ «նշումներ» անելուն, որոնք բանավոր խոսքի ժամանակ պետք է ծավալվեն: Յնուտ մանկավարժը, անշուշտ, գրավոր խոսքն ընդլայնել է դասախոսությունների ժամանակ, հատկապես այս դեպքում, երբ իրեն էին վստահված նաև Մեծոփա վանքի սաների դաստիարակությունն ու կրթությունը:

Տաթևացին Հորի գրքի լուծմունքի հիշատակարանում նշում է, որ օգտվել է Հորի գրքի Վանական Վարդապետի քաղվածությունից:

<sup>16</sup> Տե՛ս **Ս.-Է. Շիրինյան**, Մեկնողական ժամրի կազմավորումը և զարգացումը Հայաստանում, «Աշտանակ» հայագիտական պարբերագիրը, թիվ 4, Եր., 2000, էջ 36-64:

<sup>17</sup> Տե՛ս ՍՍ, ձեռ. 1879, թ. 3: Այստեղ կարելի է նշել, որ Հորի գրքի Իսիդրոսի մեկնության պատճառը հանդմնելուն է Յ. Ք. Չրաքյանի, նաև Ծ. Ունուի կողմից հրատարակված մեկնության սկզբի հետո:

<sup>18</sup> Տե՛ս **Յ. Ա. Ակիմեան**, Պատճառաց գիրքը, «Հանդէս ամսօրեայ», 1907, էջ 228-235: Առավել մանրամասն տե՛ս **Մանեա Եռնա Շիրինյան**, Թրիստոնեական վարդապետության անտիկ և հելլենիստական տարրերը (հայկական և հունական դասական բյուզանդական աղբյուրների բաղդատությամբ), Եր., 2005:

<sup>19</sup> Տե՛ս **Յ. Ա. Ակիմեան**, Գրիգոր որդի Աբասայ՝ հեղինակ պատճառաց գրոց, «Հանդէս ամսօրեայ», 1907, էջ 132-135, նաև **Յ. Ա. Ակիմեան**, Պատճառաց գիրքը, «Հանդէս ամսօրեայ», 1907, էջ 228-235, 271-274:

<sup>20</sup> Մեկնողական դպրոցների մասին առավել մանրամասն տե՛ս **Փ. Անթապյան**, Յայ մեկնաբանական գրականության տեսական նախահիմքերի շուրջ, «Բանբեր Մատենադարանի», № 15, Եր., 1986, էջ 60-94, նույնի Վարդան Արևելցի, կյանքն ու գործունեությունը, գիրք Բ, Եր., 1989, էջ 175-215: Որոշ պատճառական անդրադառների մասին տե՛ս **Ե. Տեր-Մինասյան**, Ընդհանուր Եկեղեցական պատճառաց գրոց, 1908, էջ 140-152:

Սակայն պետք է նշել, որ նույն հիշատակարանում Տաթևացին խոսում է նաև այլ մեկնիչներից օգտվելու մասին. «....ընթերցմամբ հաւաքեցի զդժուարալոյծ բանս Յորայ և զմեկնչաց նորա»<sup>21</sup>, մինչդեռ Հ. Ք. Չրաբեանը գրում է, որ «Տաթևացին յանուանէ միայն զՎանականն կը ճանչնայ»<sup>22</sup>, և Վանականի միջոցով՝ նաև մյուս մեկնությունները: Եզրակացնել, որ Տաթևացին անվանապես Վանականից բացի Յորի գրքի այլ մեկնիչների գրվածքների ժամոր չէ, կարծում ենք, այնքան էլ ճիշտ չէ: Դատկապես, երբ Վանականի բերած անհեղինակ մեջբերումները Տաթևացու երկերում փոխարինվում են հեղինակային մեջբերումներով: Իսիդոսի մեկնությունը մինչև Յոր ԻԱ 29 համարն է, որից հետո ոչ մի տեղ Վանական Վարդապետն իր մեկնության մեջ չի նշում իսիդոս (երբեմն նաև Եւսիդիոս) անունը: Տաթևացին, ինչպես նշել է հիշատակարանում, լուծնունքը դյուրության համար բաժանել է մասերի. սկզբում ցանկի նման գրել է համառոտ «Ենթավերնագրերը», որից հետո ներկայացրել նյութը: Տաթևացու բացառությունները երբեմն բավականին համառոտ են, նույնիսկ մեկ բառով արտահայտված, որոնք Աստվածաշնչի Յորի գրքում չենք հանդիպում, սակայն նախորդ մեկնիչների գրքերում գտնում ենք այդ բառերի առավել ծավալուն մեկնությունը, ինչպես օրինակ՝

#### Իսիդոս

Բազում ինչ մեզ Աստուած արձանս բազում իօգտակար տեսիլս կանգնեաց, բազում և մեծամեծ ինաստասիրութեան ետ տարացոյցս...<sup>23</sup>: (թ. 134)

#### Տաթևացի

Բան. Արձանս: ԼՇ. Որպէս քար կանգ- նեմք ի ճանապարհу<sup>24</sup>: (թ. 8ա)

Գտնելով նմանություններ և մտքի, և ձևակերպման մեջ՝ չենք կարող չնկատել Տաթևացու մտքի թոշքը, որ երևում է գրվածքի գրեթե բոլոր էջերում: Որպէս վկայություն ասվածի՝ բերենք մի քանի օրինակ.

#### Իսիդոս

Պատարագս ըստ թույ ուստերաց և դստերացն մատուցաներ: Իսկ քանի էին սոքա՝ տասն էին ըստ թույ: Իսկ ապա ընդ զգալի պատարագաց, զիմանալիսն ի միտ առ և զգանողին զիոյք բարեպաշտութեանն ինացիր ըստ օրինացն տասն պատուիրանացն: ...իսկ և զուարակ մի մատուցաներ ըստ Քրիստոսի քաղաքավարութեանն, որ ըստ նմանութեան զուարակի վասն մեղաց մերոց գենաւ: (թ. 152-153)

#### Տաթևացի

Նախ՝ զի տասն էին թուով՝ եօթն ուստերք և երեք դստերք, ըստ թույ նոցա մատուցաներ: Երկրորդ՝ ի սրբութիւն տասն զգայարանաց նոցա: Երորդ՝ ի խորհուրդ տասնարաննեան օրինացն՝ տասն պատարագ մատուցաներ և ըստ նմանութեան Քրիստոսի՝ մի զուարակ, որ վասն մեղաց մերոց մեռաւ, զի ըստ օրինացն և ըստ Աւետարանին կայի: Չորրորդ՝ ի խրախութիւն գինույ տասն մեղս գործի, այսինքն՝ բազմակերութիւն,

<sup>21</sup> ՍՍ, ձեռ. 1115, թ. 123թ:

<sup>22</sup> Հ. Ք. Չրաբեան, Ներածութիւն, էջ Խ4:

<sup>23</sup> Մեջբերումների ձեռագրային էջերը նշվում են ըստ Հ. Ք. Չրաբեանի կազմած տպագրի:

<sup>24</sup> **Գրիգոր Տաթևացու՝** Յորի գրքի լուծնունքը դեռևս անտիպ է, ուստի բնագրային մեջբերումները ներկայացնում ենք ՍՍ 1115 ինքնագրի հիման վրա:

Բ՝ արբեցութիւն, Գ՝ զմայլումն զգայութեանց, Դ՝ փափկութիւն մարմնոյ, Ե՝ փոփոխ գիտորհութղն, Զ՝ այլայլ զբանն, Է՝ այլ զգործն, Ը՝ զիմաստութիւնն յիմարս, Թ՝ // զիանդրատն խռովէ, Ժ՝ պատուիրանացն Աստուծոյ հեղգութիւն գործէ, վասն որոյ ասէ առաքեալ. Մի՛ արբենայք գինւով, յորում գեղխութիւն է (Եփես. Ե 18): Վասն այն Յոր տասն պատարագաւ սրբէր տասն մասնաւոր մեղսն, որ գտանի ի յարբեցութիւն, և մի զուարակ՝ ի սրբութիւն վասն ակամայիւ խորհրդոյ մեղացն, զոր աղօթէ մարգարէն. Ի գաղտնեաց իմոց սուրբ առա զիս (Սաղմ. ԺԸ 13-14): (թ. 9բ-10ա)

Լ. Խաչիկյանը, խոսելով Եղիշեի «Արարածոց մեկնութիւն» երկի՝ Գրիգոր Տաթևացու երկերի վրա թողած ազդեցության մասին, իրավացիորեն նշում է. «Տաթևացին իր օգտագործած աղբյուրները ձևակիտխում է ըստ իր գիտական հայացքների, փոխում է նրանց շարադրանքը, այն համապատասխանեցնելով իր աշխատության առանձնահատկություններին, որը կազմված է հարցերի ու պատասխանների ձևով (նկատի ունի Գիրք Յարցմանցը - Ե. Ս.): Յաճախ աղբյուրի որևէ ամբողջական հատված Գրիգորը բաժանում է մի քանի կետերի, շարահյուսում այլ աղբյուրների տվյալներին և այլն»<sup>25</sup>: Ասվածին կարող ենք հավելել նաև այն, որ Տաթևացին, Յոթի գրքի բոլոր մեկնություններն իրար կապելով, ստեղծել է յուրօրինակ մի գրվածք, որը հասու էր իր ժամանակաշրջանի անհատին: Բազում են այն օրինակները, որոնցում երևում են Տաթևացու ինքնուրույնությունը, մտքի հստակ արտահայտումը, շարադրնան պարզությունը (իր բարդությամբ հանդերձ), նրա համակողմանի իրագեկությունը: Իր միտքը բացատրելու համար լուծնունքում հաճախ օգտագործում է ինքնաստեղծ բառեր (օրինակ՝ աւղընթաց<sup>26</sup>, աւղապատիր<sup>27</sup>), բառերի բացատրության համար օգտագործում է նոր հոմանիշներ (օրինակ՝ ստորմակերպ<sup>28</sup> բառին Տաթևացին նշում է ևս մեկ հոմանիշ, որը որպես հոմանիշ առկա չէ բառարաններում. «զգեստ ստորմակերպ, որ է դեղձան») և այլն: Ունենալով մանկավարժական և գիտական միտք՝ ջանք չի խնայել, որ իր սաներն ամենայն մանրամասնությամբ ուսանեն Յոթի համբերության և քաջասրտության մասին:

<sup>25</sup> Լ. Խաչիկյան, Եղիշեի «Արարածոց մեկնութիւնը», խմբագրությամբ՝ Լ. Տեր-Պետրոսյանի, Եր., 1992, էջ 212:

<sup>26</sup> ՍՍ, ձեռ. 1115, թ. 117ա:

<sup>27</sup> Նույն տեղում, թ. 106 թ:

<sup>28</sup> Նույն տեղում, թ. 97 թ: Յայկազեան բառգիրը նշում է. «որպէս ստորմիք խորանիստ, մթին, խառնակ կամ պէսպիսակ, բազմագումի», «Նոր բառգիրը հայկազեան լեզուի», հտ. Բ, էջ 751: Իսկ Յաման Արևելցին լրացնում է. «ստորմակերպ, որ ի բագաւրաց տունս հազիւ գտանի» (ՍՍ, ձեռ. 1007, թ. 165 ա):

Տաթևացու խնդրո առարկա գրվածքում մի տեսակ խտացված է յուրաքանչյուր աստվածաբանական, դավանաբանական միտք, որի բազմակողմանի բացատրությունները (ինչպես ինքն է երբեմն նշում երկում) հարկ է լինում փնտրել Հարցմանցում կամ Քարոզգրքերում. «Եւ գոցես զայս ի Հարցմանց յերրորդ հատորն, ժմ համարին»<sup>29</sup>, «Վասն սգոյ տես ի Հարցմունք ժ հատորն, ի Դ համարն»<sup>30</sup> կամ «Ի Քարոզն տես»<sup>31</sup> և այլն:

Իսիքիս Երուսաղեմացու Յորի մեկնությունն ինքնատիպ է իր ոճով, մտքի շարադրմամբ, աստվածաբանական լուծումներով: Թե՛ Իսիքիոսը, թե՛ Տաթևացին, ելնելով Յորի գոքի ընձեռած հնարավորություններից, հաճախ են շոշափում աստվածաբանական-դավանաբանական հարցեր: Երկուսն էլ անդրադարնում են Քրիստոսի աստվածությանը, Սուրբ Կույսից մարմնանալուն, աստվածային նախախնամությանը: Քանի որ մեզ է հասել Իսիքիոսի ոչ ամբողջական մեկնությունը, բնականաբար դավանաբանական անդրադարձներն ավելի քիչ են Իսիքիոսի երկում, որովհետև թե՛ Տաթևացին, թե՛ Վանական Վարդապետը և մյուսները դավանաբանական խնդիրներին հատկապես անդրադարձել են Յոր ԼԸ-ԼԹ գլուխները մեկնելիս, որը պայմանականորեն վերնագրվում է՝ Ո՞վ է դա՝ («Ո՞վ է դա՝ որ բաքուցանէ յինէն զխորհուրդն» բառերով սկսվում է Աստծոն խոսքը Յորի հետ (Յոր. ԼԸ 2)), որը Յորի գոքի կիզակետն է, որովհետև գործող անձերի բոլոր հարցերին, կասկածներին, թյուրմբոնումներին Աստված է տալիս պատասխան:

Իսիքիոսի և Տաթևացու մեկնություններն իրարից էականորեն տարբերվում են մեկնության օճով և նպատակով: Տաթևացու նպատակն է հնարավորինս շատ տեղեկություններ հաղորդել իր լսարանին, այդ պատճառով էլ նրա լուծնունքում, աստվածաբանական հարցերից զատ, կարելի է տեղեկություններ գտնել թե՛ փիլիսոփայությունից, թե՛ դավանաբանությունից, թե՛ քրիստոնեական կենցաղից, բնագիտությունից, աշխարհագրությունից և այլն: Քանի որ Գիղը պատճառաց-ում Յորի գոքի Իսիքիոսի մեկնության պատճառը է համարվում մեզ հայտնի մեկնության սկիզբը (134-141 համարները՝ ըստ տպագրի), ապա կարելի է ասել, որ Իսիքիոսի մեկնության նպատակը փորձությունների մեջ համբերություն սովորեցնելն է՝ օրինակ ունենալով Յորի համբերությունը («քանզի համբերութիւնն կարէ փրկել միայն, կատարել զփութալին, որով զարդարութիւն անձին և խորհրդոց ուղղեսցուք»), ուսուցանել աղոթքի զորությամբ մարտնչել ու հաղթել, քրիստոնեավայել կենցաղ և պահվածք ունենալ: Սա նշանակում է նաև հետագա գլուխների մեկնության մեջ, որտեղ հիմնականում շեշտադրվում են քրիստոնեական կենցաղավարությունը, առաքինասեր բարքով ապրելը և համբերելը (օրինակ՝ «Քանզի նա վասն համբերութեանն պսակաց և երանութեանց արժանի էր»<sup>32</sup>, «Մերկացեալ ի մեծութենէն՝ ևս առաւել պայծառացոյց զիւր արդարութիւնն ի ձեռն համբերութեանն»<sup>33</sup>, «Մեծ և բարձր

<sup>29</sup> ՍՍ, ձեռ. 1115, թ. 10 թ:

<sup>30</sup> ՍՍ, ձեռ. 1115, թ. 12 ա:

<sup>31</sup> Նույն տեղում:

<sup>32</sup> Նույն տեղում, էջ 248-249:

<sup>33</sup> Նույն տեղում, էջ 250:

պարիսպ ինձ շնորհեաց զհամբերութիւն, զորոյ զամրութիւնն ոչ կարենքակել թշնամիքն և ոչ բազում մեքենայիւք կործանել»<sup>34</sup>):

Եթե Իսիդրոսը մեկնության մեջ սկզբուն բերում է նախ աստվածաշնչյան համարը, հետո՝ մեկնում, ապա Տաթևացին իր լուծնունքում միշտ չէ, որ աստվածաշնչյան համարները գրում է սկզբում, և լուծնունքի առանձնահատկություններից մեկն էլ այն է, որ բացի աստվածաշնչյան համարներից՝ տեղ են գտնել նաև այլ մեկնիչների կողմից օգտագործված բառաբացատրությունները, որոնք ևս մեկնվում են: Տաթևացու մտքի ճկունության և գիտական հզոր ներուժի շնորհիվ դրանք չեն խանգարում լուծնունքի կուր կառուցվածքին, մեկնվող բառերը կամ բառակապակցությունները շատ հաճախ կամրջի դեր են կատարում, կապում նախորդ և հաջորդ համարները: Տաթևացու լուծնունքի առանձնահատկություններից մեկն էլ այն է, որ աստվածաբանական մեկնաբանություններին զուգահեռ շատ հաճախ տրվում են նաև փիլիսոփայական բացատրություններ:

Այսպիսով, հայ միջնադարյան մատենագիր Գրիգոր Տաթևացու՝ Յորի գրքի լուծնունքն իր ուրույն և յուրահատուկ տեղն ունի Յորի գրքի մեկնությունների կողքին: Իհարկե նա ծանոթ էր Իսիդրոս Երուսաղեմացու աշխատությանը, օգտագործել է նրա Երկը ուղղակի և միջնորդավորված ձևերով, սակայն որպես մեծ աստվածաբան, օգտվելով իր նախորդների թողած ժառանգությունից, ամբողջացրել և յուրահատուկ ոճով ի մի է բերել Յորի գրքի լուծնունք-մեկնությունը՝ այն ի սպաս դնելով ժամանակաշրջանի դպրոցներում հոգևոր դասի ուսուցմանը: Այս աշխատությունը այսօր ևս արդիական է և մեծապես նպաստում է Աստվածաշնչի Յորի գիրքն ընկալելուն:

**Բանալի բառեր – Յորի գիրքը, Իսիդրոս Երուսաղեմացի, Գրիգոր Տաթևացի, Վանական Վարդապետ**

**ЭЛЯ САРИБЕКЯН – Соотношение между толкованиями Исихиоса Иерусалимского и Григора Татеваци книги Иова.** – В статье анализируется толкование книги Иова, осуществлённое богословом, философом, писателем, летописцем и миниатюристом XIV-XV вв. Григором Татеваци. Первым из армянских книжников к этой ветхозаветной книге обратился Степанос Сюнечи (VIII в.), от комментариев которого до нас дошли лишь отрывки. Напротив, трактовка Ванакана Варданета (XII в.) сохранилась полностью и примечательна тем, что позволяет познакомиться с толкованиями книги Иова, оставленными Исихиосом Иерусалимским, Ефремом Сирином, Степаносом Сюнечи, Давидом Кобайреци. В статье рассмотрено прямое и косвенное влияние, оказанное толкованием Исихиоса Иерусалимского на толкование Григора Татеваци; сопоставляются цитаты, отмечается своеобразие и индивидуальные особенности названных авторов.

**Ключевые слова:** книга Иова, Исихиос Иерусалимский, Григор Татеваци, Ванакан Варданет

<sup>34</sup> Նույն տեղում, էջ 257:

**ELYA SARIBEKYAN – *Correlation of the Book of Job by Grigor Tatevatsi and Isychios of Jerusalem.*** – Current article is devoted to the *interpretation of the Book of Job* by Grigor Tatevatsi – an Armenian theologian, philosopher of XIV-XV centuries. The influence of the *Commentary of the Book of Job* by Isychios of Jerusalem (is known only thanks to Armenian translation) on the homonymous work of Tatevatsi is examined with the textual examples. Grigor Tatevatsi had composed both in symbolic-allegorical and literal-verbal methods. He had widely used the theological extensive literary heritage of the previous authors, but, at the same time, had created his substantive style, using philosophical and theological terms and explanations.

**Key Words:** Book of Job, Isychios of Jerusalem, Grigor Tatevatsi, cause, Vanakan Vardapet